



UPUTSTVO ZA OSTVARIVANJE PRAVA NA DJEČIJI DODATAK U SKLADU SA FEDERALNIM ZAKONOM

Zahtjev za priznavanje prava na dječiji dodatak u skladu sa Zakonom o materijalnoj podršci porodicama s djecom u Federaciji Bosne i Hercegovine ("Službene novine Federacije BiH", broj: 52/22 i 58/24) podnosi se u Općini Ilidža, Centar za pružanje usluga, šalter broj 17.

Ukoliko porodica ima više djece mlađe od 18 godina, za svako dijete se podnosi novi zahtjev sa potrebnim dokazima, s tim da se kod prvog djeteta obavezno prilažu original uvjerenja o prihodima, dok kod ostale djece kopije tih uvjerenja.

Pravo na dječiji dodatak priznaje se djetetu do navršene 18. godine života, pod uslovima:

- da ukupni mjesečni prihodi po članu domaćinstva ne prelaze 40% najniže plaće u FBiH (40% od 1027,00KM jeste **410,80 KM**),
- da nijedan član porodice nema registriranu samostalnu djelatnost koja je u posljednjih godinu dana ostvarila prihod,
- da nije smješteno u hraniteljsku porodicu ili ustanovu socijalne zaštite u periodu dužem od 30 dana, pri čemu se troškovi smještaja djelimično ili u potpunosti obezbjeđuju iz budžetskih sredstava.

Djetetu koje ispunjava uslove ovog Zakona, pravo na dječiji dodatak priznaje se od dana podnošenja zahtjeva za ostvarivanje prava od strane zakonskog zastupnika djeteta. Pravo na dječiji dodatak traje dok postoje uslovi za ostvarivanje prava, a najduže do navršene 18. godine života djeteta. Prvostepeni organ će najmanje jednom godišnje po službenoj dužnosti izvršiti provjeru ispunjenosti uslova za nastavak ostvarivanja prava na dječiji dodatak.

Visina dječijeg dodatka iznosi 19% najniže plaće u FBiH (19% od 1027,00KM jeste **195,13 KM**).

DOKUMENTI POTREBNI U OSTVARIVANJU PRAVA NA DJEČIJI DODATAK:

NAPOMENA: Uvjerenja i druge javne isprave o kojima organi uprave i institucije vode službene evidencije podnosilac zahtjeva nije obavezan pribavljati, osim ako istu posjeduje što će ubrzati rješavanje zahtjeva.

NAZIV DOKUMENTA	FORMA DOKUMENTA	NADLEŽNI ORGAN/ INSTITUCIJA ZA IZDAVANJE	NAPOMENA
1. Ovjerena izjava (samo za porodice u kojima jedan ili više članova, ima prijavljeno prebivalište na drugoj adresi)	Original	Centar za pružanje usluga korisnicima	
2. Ovjerena izjava (kućna lista)	Original	Centar za pružanje usluga korisnicima	
3. Izvod iz matične knjige rođenih za dijete-cu	Original	Nadležna općinska služba	
4. Uvjerenje o državljanstvu djeteta	Original	Nadležna općinska služba	
5. Dokument kojim se dokazuje činjenica s kojim roditeljem živi malodobno dijete	Ovjerena kopija	Sud/ Centar za socijalni rad	Ukoliko roditelji žive odvojeno





6. Rješenje o starateljstvu	Ovjerena kopija	Centar za socijalni rad	Ukoliko dijete ima staratelja
7. Rješenje da je dijete, po propisima iz oblasti zaštite lica s invaliditetom, ostvarilo pravo na dodatak za njegu i pomoć drugog lica prve i druge grupe	Ovjerena kopija	Centar za socijalni rad	
8. Dokaz da je dijete oboljelo od malignih bolesti	Ovjerena kopija	Nadležna institucija	
9. Ovjerena izjava da dijete starije od 16. godina nije sklopilo brak te da nije steklo vlastito potomstvo	Original		
10. Uvjerenje Porezne uprave FBiH da nijedan član porodice nema registrovanu samostalnu djelatnost koja je u posljednjih godinu dana ostvarila prihod	Original/Ovjerena kopija	Porezna uprava	
11. Potvrda ili uvjerenje o prihodima članova porodice, koji su u radnom odnosu, ostvarenim u posljednjih tri mjeseca prije podnošenja zahtjeva. Prilikom obračuna prihoda u obzir se ne uzimaju prihodi koji je neposredno prethodio mjesecu u kojemu je podnesen zahtjev za ostvarivanja prava.	Original	Poslodavac ili Porezna uprava	Članovi porodice koji prihode ostvaruju u inostranstvu, podatke pribaviti od nadležnih institucija zemlje u kojima se ti prihodi ostvaruju
12. Uvjerenje da se nalazite na evidenciji nezaposlenih lica	Original/Ovjerena kopija	Služba za zapošljavanje ili PIO/MIO ili Porezna uprava	
13. Naknada za vrijeme trajanja nezaposlenosti u posljednja tri meseca prije podnošenja zahtjeva	Ovjerena kopija rješenja	BIRO	
14. Uvjerenje o iznosu starosne, invalidske ili porodične penzije ostvarene u posljednja tri meseca prije podnošenja zahtjeva	Original/Ovjerena kopija	PIO	Ako ste korisnici penzije
15. Prihodi po osnovu obaveznog izdržavanja u posljednja tri meseca prije podnošenja zahtjeva	Ovjerena kopija presude	Nadležna institucija	Alimentacija
16. Prihodi po osnovu naknade za hraniteljstvo, odnosno starateljstvo u posljednja tri meseca prije podnošenja zahtjeva	Original/Ovjerena kopija	Centar za socijalni rad	Samo za porodice koje imaju dijete na smještaju
17. Ovjerena Izjava da u razdoblju od tri mjeseca prije podnošenja zahtjeva niste ostvarili prihode po osnovu životnog osiguranja i nasljedstva a ako jeste u kojem iznosu	Original	Centar za pružanje usluga korisnicima	Za sve članove porodice
18. Uvjerenje da niste korisnici prava na dječiji dodatak u zemlji - porijekla, prebivališta	Original	Nadležna služba u zemlji porijekla, prebivališta	(ako je jedan član porodice stranac)
19. Potvrda o broju žiro računa	Original/Ovjerena kopija	Banka	